

明狀元圖考目錄卷之二

英宗

正統元年丙辰周旋

浙江温州府永嘉人

正統四年己未施槃

直隸蘇州府吳縣人

正統七年壬戌劉儼

江西吉安府吉水人

正統十年乙丑商輅

浙江嚴州府淳安人

正統十三年戊辰彭時

江西吉安府安福人

代宗

景泰二年辛未柯潛

福建興化府莆田人

卷二

景泰五年甲戌孫賢

河南開封府杞縣人

英宗

天順元年丁丑黎淳

湖廣岳州府華容人

天順四年庚辰王一夔

江西南昌府新建人

天順八年甲申彭教

江西吉安府吉水人

憲宗

成化二年丙戌羅倫


江西吉安府永豐人

成化五年己丑張昇

江西建昌府南城人

成化八年壬辰吳寬

直隸蘇州府長洲人



成化十一年乙未謝遷

浙江紹興府餘姚人

成化十四年戊戌曾彥

江西吉安府泰和人

成化十七年辛丑王華

浙江紹興府餘姚人

成化二十年甲辰李旻

浙江杭州府錢塘人

成化廿三年丁未費宏

江西廣信府鉛山人

孝宗

宏治三年庚戌錢福

直隸松江府華亭人

宏治六年癸丑毛澄

直隸蘇州府崑山人

宏治九年丙辰朱希周

直隸蘇州府崑山人

卷二

宏治十二年己未倫文叙

廣東廣州府南海人

宏治十五年壬戌康海

陝西西安府武功人

宏治十八年乙丑顧鼎臣

直隸蘇州府崑山人

武宗

正德三年戊辰呂柟

陝西西安府高陵人

正德六年辛未楊慎

四川成都府新都人

正德九年甲戌唐臯

直隸徽州府歙縣人

正德十二年丁丑舒芬

江西南昌府進賢人

正德十六年辛巳楊維聰

直隸順天府固始人



狀元周旋

正統元年丙辰

廷試劉定之等一百人擢周旋第

一

按周旋字中規號畏菴浙江永嘉人才思雄健何冢
宰文淵時知溫郡考所作即以狀元許之鄉試會試
皆居優列及 廷試大學士楊士奇以所取一甲三
卷將入殿讀之狀頭尚未決問同事者曰有識周旋
否其人儀表何如有對曰面白而偉遂以旋卷首進
旋貌甚寢 陛見之日輿論悵然蓋所問者永嘉周


旋所對者淳安周瑄也官至春坊庶子同考會試以
勤於事致疾卒 温州志宣德癸丑春溫郡守何文
淵進諸生講經於明倫堂有群蜂夾一巨蜂飛集楹
間聲聞如雷文淵頷謂庠士周旋曰群蜂有巨蜂爲
之主猶士林中有巨儒爲之領袖此來科狀元之兆
也果然

狀元施槃

正統四年己未

廷試楊鼎等一百人擢施槃第一

按施槃字宗銘直隸吳縣人自幼警敏甫成童不屑就家人產業奮然志於學從父淮揚就師久之嘆曰歸而求之有餘師尋補學生領鄉薦赴會試作詩留別云紅雲紫霧三千里黃卷青燈十二時咏胡蝶云莫怪風前多落魄三春應作探花郎 庚巳編戊午吳縣學泮宮池蓮一莖三花巡撫周公忱見之曰行有當之者明年槃以縣學生狀元及第



狀元劉儼

正統七年壬戌

廷試姚夔等一百五十人擢劉儼

第一

按劉儼字宣化號時雨江西吉水人年十六七為文
 根據義理考聖賢言之實而力行之二十四領鄉
 薦赴春闈乙榜不就潛心林下二十六年慨然有魁
 天下之志自嘆曰吾道宜可行矣豈終不遇哉正統
 壬戌登春闈 廷對擢第一時年四十九授脩撰以
 古文名天下 汝南詩話劉文介儼狀元及第有邵



進者在甲尾劉嘗致東於邵自稱年未或謂邵云劉
公笑子殿甲尾故云然邵怒曰狀元不是工夫上人
做我見劉必辱之劉笑解之以詩云狀元本是龍頭
選龍尾分明屬邵卿龍尾掉時天必雨龍頭未必敢
相輕邵聞之亦解顏

狀元商輅

正統十年乙丑 廷試商輅等一百五十人擢商輅
第一

按商輅字宏載號素菴浙江淳安人宣德乙卯以書
經發解及會試弗利乃入太學李長為祭酒見而器
之特設館東廂之後俾卒業及乙丑會試 廷試俱
第一時年三十二授脩撰 菽園雜記輅父嘗為嚴
州府吏輅生時府公於夜間遙見吏舍有光踪跡之
非火也翌旦問群吏家夜來有何事云商某生一子



府公異之語其父云此子必貴宜善撫之後舉三元
入內閣天順初罷歸有醫善太素脈診之云歇祿十
年當再起成化復起入閣 夢徵錄輅嘗與其師洪
士直同宿學舍中輅夢有提人首三顆授之覺而語
洪洪曰吉夢也後三元應之 狀元記事輅父仲宣
方生輅有以馮文簡中三元記餽之事亦非偶矣



狀元彭時

正統十三年戊辰 廷試岳正等一百五十人擢彭
時第一

按彭時字純道號可齋江西安福人自幼端重寡言
年十九從叔父僉憲憲副二公學春秋屬文輒有驚人
語二公以大名家期之由儒士領鄉薦入國學博
學精思爲海內士人所推年三十三舉進士 廷試
擢第一拜脩撰年七十卒 彭文憲筆記丁卯冬湖
廣永濟縣官在途夢開黃榜第一名彭時監生其官

至京言于永濟監生張端木端木訪知予姓名駭甚
予聞之荅曰夢中事何足信又一人謂岳正曰吾昨
夜夢兄魁多士可賀正曰若夢可信則已有人夢彭
時作魁何必我其人戲曰明年會試 廷試有兩魁
各占其一可也後果然是時士夫中相傳童謠云眾
人知不知今年狀元是彭時亦不知何自而起後果
驗 狀元錄廷試前一月 上夢儒釋道三人來見

至揭曉狀元彭時由儒士榜眼陳鑑幼寓神樂觀探
花岳正幼爲慶壽寺書記幼年出處皆形夢兆豈偶

卷二

然哉 天順日記狀元彭時當上表謝 恩之夕坐

至四鼓乃隱几不寤竟失 朝被劾 上惟命錦衣

衛尋而已可見 聖明倉卒應變而保全愛惜儒臣

之心至矣狀元退就鴻臚習儀大鴻臚疾言厲色詰

其悞事之由狀元舉止從容唯唯謝過而已此可見

其量也 是科年長而未室者五人長洲陳鑑一甲

第二年三十四博陵劉吉年二十二襄陵邢讓年二

十二懷安謝琚年二十五平越黃紱年二十六俱未

娶奉化舒廷謨以禮部辦事登科



狀元柯潛

景泰二年辛未

廷試吳滙等二百人擢柯潛第一

按柯潛字孟時號竹巖福建莆田人生有奇質數歲能詩正統甲子年十五領鄉薦不忍離親不赴會試

景泰辛未中甲榜

廷對賜狀元及第

狀元記事

莆田學中泮池於林環中狀元時開並頭蓮是歲又

開潛應其兆

夢徵錄潛嘗禱夢九里廟與賓友讌

會潛坐首席須臾宰夫以一羊頭獻於前果以辛未

狀元符羊頭之兆



狀元孫賢

景泰五年甲戌

廷試彭華等三百四十九人擢孫

賢第一

按孫賢字元卿河南杞縣人

菽園雜記賢赴會試

途中投宿一民家主人敬禮甚隆飲食一呼一具賢

疑其家有他會問之主人云昨夜夢狀元至吾家故

治命以俟今日公至應此夢無疑矣賢竊自喜然是

科下第而歸後一科果狀元及第 瓚綴錄孫賢面

黑徐溥面白徐轄面黃時謂鉄狀元銀榜眼金探花

西湖志餘正統丁卯海甯張靖之之母夢老人書孫
字於牆其年靖之領鄉薦兩試春官皆下第辛未靖
禱於京城隍夢登大山老人謂曰此崑崙山也驚寤
取禹貢織皮崑崙研省紬繹入場果出此題多爲所
窘桐鄉楊青者席舍相近來懇靖之因爲開陳義意
詳述註疏青遂登第名第七梓文一篇靖之竟下第
後科甲戊靖始登第名亦第七梓文一篇其年狀元
乃孫賢也母氏之夢至是始驗蓋已八年矣惟織皮
之夢雖驗而虛若爲楊青設者然靖之名第事實一
與青同鬼神之示人顯而隱如此 水東日記賢未
登第之先夢金甲神人持黃旗插於其門有狀元二
字至廷試果首擢



狀元黎淳

天順元年丁丑

廷試夏積等二百九十四人擢黎

淳第一

按黎淳字太樸號樸菴岳州華容人 狀元記事二

月初淳方至京禮部主司嫌其遲至拒之曰少汝作
狀元邪淳應聲曰此亦在吾輩也至邸見壁間題畫
有昨夜簷前乾鵲噪聲報道狀元來此其識也

義命錄淳性淳厚不事遊冶自言絕跡青樓會試入
京同輩欲邀往使人先約妓曰若遇吾輩同行爾可

呼黎淳吾輩當至也一日相邀過之見一妓以手招
呼曰黎淳黎淳諸友哄然排之曰子說不遊此妓何
由知君姓名邪淳不與辨即口占曰十里紅樓天半
程忽聞花底喚黎淳狀元本是天生定故遣嫦娥報
姓名雖談笑中其自負如此 七脩類藁黎狀元淳
初至京將會試時盤礴間聞酒樓上有婦人喚其名
舉頭觀之則妓也乃知爲同輩所給於是登樓吟詩
曰千里遨遊赴 帝京忽聞樓上喚黎淳狀元自是
天生定先遣嫦娥報我名及 廷對果登狀元時年
三十四此與義命錄所載事同畧異亦附錄之
是科各省俱倍數取士進士未聘者四人年長未
娶者十人

狀元王一夔

天順四年庚辰 廷試陳選等一百五十六人擢王一夔第一

按王一夔字大韶號約齋江西新建人初赴試謁鈇柱宮卜兆靈湫水忽湧起如一字亦第一名兆也

閒中今古初讀卷官定初順卷第一既而司禮監問所定卷閣老以姓名告太監曰此卷固出人一等但傳臚時此音與 御名相似奈何閣老愕然乃以王一夔卷易之而置初二甲中 史隱錄一夔父王得




仁景泰間任汀州推官值鄧茂七之亂山谷嚮應
朝廷命將討之主帥欲濫殺脅從以爲功得仁力辨
其枉遇繫累于道者下車解其縛焚其簿籍所活千
人汀民德之爲立生祠今入祀典名曰忠愛至一夔
狀元及第官至尚書人謂陰德之報 尚書張瑄詩
云忠言極諫極疲民戮力勤王不顧身百戰能緣王
事烈萬家因感使君仁春回瘴地棠陰滿雨過山城
草木新子占大魁孫血食皇天應不負斯人

狀元彭教

天順七年二月會試場屋弗戒於火焚死者千餘人
 上憐之 賜死者俱進士 詔移試於秋取吳鉞等
 二百五十人至明年甲申三月親策唱名是日不御
 殿止傳策問擢彭教第一

按彭教字敷五號東瀧江西吉水人同群有彭文憲
 時人稱大小狀元教自幼穎悟出群未能言時父兄
 戲指齋堂題額語之明日試問之即能歷指以復四
 五歲教之書點畫不爽口占韻語輒成章鄉試第一



越四年會試中第二 廷試第一時二十七歲 菽
園雜記本朝開科取士鄉試以子午卯酉年秋八月
會試以辰戌丑未年春二月蓋定規也永樂癸未成
祖渡江天順癸未貢院火皆以其年八月會試明年
三月 殿試故永樂二年天順七年有甲申科

狀元羅倫

成化二年丙戌 廷試章懋等三百五十三人擢羅倫第一

按羅倫字彞正號一峰江西永豐人少勵志聖賢之學嘗曰舉業非能壞人人自壞之耳郡守張瑄嘉其學行而惜其貧乏命有司周之謝弗受年三十六中禮闈試對策 大廷頃刻萬言不屬草中引程正公語人主一日之間接賢士大夫之時多親宦官宮妾之時少執政欲節其下句倫不可直聲震於時王家



宰一夔以敏政卷字精楷力贊于李文達前曰宜爲
第一李曰論文不論書取羅倫第一卒年四十有八
狀元記事倫赴試時有一水手夢中與語之曰明
日附舟乃羅狀元明日果有秀士來附舟詢其姓則
是衆皆驚訝 狀元全考倫之僕途獲金環命歸本
婦 石田雜纂倫赴春闈道蘇州爲文謁范文正公
祠是夕舟中夢文正遺之詩曰賜帶橫腰重宮花壓
帽斜勸君少飲酒不久卧烟霞 狀元奇異編倫至
省邸梁隆一軸款書報狀元果驗

狀元張昇

成化五年己丑


廷試費閻等

二百四十七人擢張昇

第一

按張昇字啓昭號柏崖江西南城人於傳臚前一夕夢
登天兩手挈二人頭云皆同姓者及開榜一甲首張昇
二甲首張燧三甲首張曉 客坐新談昇父同赴京會
試舟近小姑山下天色已暮因泊舟父夢山上數女郎
執絳紗燈擁仙姑而下因問之曰仙姑何往曰張昇狀
元舟在此往訪之覺而呼昇語其事是科廷試果首選





狀元吳寬

成化八年壬辰

廷試吳寬等二百五十人擢吳寬

第一

按吳寬字原博號匏菴直隸長洲人生有異質年十一即爲學生二十九應貢赴禮部三十四而舉於鄉三十八而登進士在庠校時博覽群籍爲古文詞有老成風格武功伯徐有貞高邁少許可折節與交曰館閣器也以歲資貢入太學張汝弼見之曰天下亦有如此貢士乎屢舉不第絕意仕進董學御史陳選

以禮敦遣不得已入鄉試名在第二會試名第一及
廷試又第一卒年七十 庚巳編成化辛卯蘇州府
學池蓮一莖三花明春有甘露降於學之桃樹兩月
吳文定爲狀元 近峰聞畧人言吳文定及第素無
夢兆惟揭榜前三日異香滿室耳公嘗謂予言會試
之前夢過國學適陰雲四合大雷電欲兩龍下攫其
巾併其身而上遂驚寤焉

狀元謝遷

成化十一年乙未

廷試王鏊等三百人擢謝遷第

一

按謝遷字于喬號木齋紹興餘姚人大父新構宅成甫遷公生遂以名七歲能屬對大父曰蛙鳴水澤爲公乎爲私乎對曰馬出河圖將治也將亂也甚奇之一日客語曰白犬當門兩眼錚錚惟顧主即應曰黃蜂出洞一心耿耿只隨王治禮經鄉試第一 廷試對策明白正大得告君之體臚傳陞引 上見儀貌



脩潔氣宇凝重甚喜公卿以下皆知遷爲遠大之器
歸時年七十有九年八十三卒贈太保謚文正



狀元曾彥

成化十四年戊戌 廷試梁儲等三百五十人擢曾彥第一

按曾彥字士美江西泰和人質樸坦易穎悟過人經書子史窮探力索必有得而後已故屢躡場屋志不稍挫 夢徵錄彥為諸生時夢被人懸其髮於明倫堂大梁上平生自負甚重每以大魁自期然見黜於有司者七舉矣既而歲貢南雍始中鄉試又連屈禮闈年逾知命始中大魁先後幾三十年矣 廷試時



執政欲矯時弊救文以質以彥所對簡約遂置首選
在館中年雖長退巽如後學連考禮闈號得人陳蕃
沴扣闈論事甚切 義命編彥每試輒夢袖中龍頭
筆一枝手取之則筆入內弗得至成化戊戌夢取此
筆出之文彩焜燿儼一龍在手果狀元及第



狀元王華

一 成化十七年辛丑

廷試趙寬等三百人擢王華第

按王華字德輝號龍山浙江餘姚人華家素貧嘗訪親於杭同舟有五庠生講論華哂之庠生怪問華破其講非是眾初甚忽之及聞其言遂加敬延於家教授四方爭延講禮經偶書宋朝家法過漢唐八事于扇及殿試命是題敷衍詳悉擢第一官至禮部尚書致仕子守仁封新建伯父如其爵年七十七卒

狀元奇異編先夢迎春郭外衆舁白牛鼓吹至華家
解者曰狀元春元也金色白其神爲辛牛之屬丑先
生其辛丑狀元乎果然



狀元李旻

成化二十年甲辰 廷試儲燿等三百人擢李旻第

按李旻字子陽號東崖浙江錢塘人爲諸生有才名
當庚子大比不利於有司時科試已逼旻擁典學之
輿而言曰解元尚未與取數若遺才之路不開場中
安得有解元也主司許之果登解元後四年登狀元
時年三十九 狀元記事會試後面色紫黑多謂晦
滯遇一僧相曰烏龍罩紫殿薦必首此則相入

狀元費宏

成化二十三年丁未

廷試程楷等三百五十一人

擢費宏第一

按費宏字子克號健齋江西鉛山人少而秀異長負
 文名年十六與季叔瑞同領鄉薦年二十 廷試第
 一居官一月以例得封親如己官其伯父瑄亦以是
 月封其親職兵員外父子一時並荷恩數人尤異之
 客坐新闢甯遠劉良中丙子鄉試十赴春闈不利
 凡試必徧訪舉人姓費名宏者久不得丁未聞有鉛




山費宏至其邸飲酒沾醉撫掌大笑曰今科狀元必
子吾三十年前夢神告曰汝登進士費宏作狀元累
科覓子不見今得之速 廷試宏果首選良中三甲
良夢時宏猶未生鄉試時考官閱卷恍惚夢總角童
子謂此少年狀元也遂以其卷置高等及赴鹿鳴儼
如夢中之貌靳文僖貴序曰公甫冠登狀元四十五
入內閣在位多匡正卒以不合去自國初至今狀元
拜相者有矣有年如公者乎禮七十致仕或年邁猶
未謝去有去如公者乎有年與才德如公者乎

狀元錢福

宏治三年庚戌 廷試錢福等二百九十八人擢錢福第一

按錢福字與謙號鶴灘直隸華亭人少而穎異及長隆準秀目志意高遠丙午中鄉試入國學屢試首多士庚戌禮部試第一為文不屬草 廷試策三千餘言辭理精確若宿構然彌封官以無黨難之眾謂科場必欲其黨者防代作也今 殿陛間萬目所視何嫌之避閣老劉文穆健得之贊不容口請于 上賜



第一時年三十幼時病劇父夢人語曰爾子吳寬也時吳文定尚家食後連舉省殿二元與文定相符

狀元記事初赴試入京寓於民家其室中有神像神夜托夢于其主求他徙曰有狀元在吾不能安逸也

狀元錄宋時華亭學有狀元坊爲衛涇立也景泰間葉守冕重建於豐樂橋下題其柱曰九重華選魁多士千古清風啟後人時以爲攀援蓋江非華亭產也宏治己酉西門火坊爲延燎市人譁曰燒却假狀元出真狀元矣明年福果魁天下識緯之言亦有不

証

卷二


三十六

是榜兄弟同登者莆田方良永良節秀水陶煦陶照同父母吉水彭杰彭桓興國徐鉞徐鈺則同祖

狀元毛澄

宏治六年癸丑 廷試汪俊等二百九十八人擢毛澄第一

按毛澄字憲清號三江直隸崑山人少不利於有司年三十四舉殿元及第授脩撰年六十三卒 崑山志宋淳熙中崑山有一道人誦讖云潮過夷亭出狀元知縣葉子正遂建問潮館於駟馬橋下後潮復遠過夷亭癸丑丙辰三科毛朱皆狀元人謂舊讖之應云



狀元朱希周

宏治九年丙辰

廷試陳瀾等二百九十八人擢朱

希周第一

按希周字懋忠號玉峰直隸崑山人赴會試見月華
五色甚麗又某氏夢文天祥來周主其家蓋天祥宋
丙辰狀元也有卜新狀元者曰太祖姓中求文武蓋
公姓名也年二十四 廷試第一累官吏部尚書臨
終戒其子不得請恩于 朝願無以文爲謚犯父之
諱卒年八十四贈太子太保謚恭靖 庚巳編吳人



舊傳云穹窿石移狀元來歸宏治乙卯城西穹窿山
風雨中一大石自走下見者驚呼乃止明年公應其
兆計石移時公猶爲諸生云

是科進士有孟春季春夏鼎周鼎閣老李東陽口
占云孟春季春惟少仲夏鼎周鼎獨無商天然奇
句也

狀元倫文叙

宏治十二年己未

廷試倫文叙等三百人擢倫文

叙第一

按文叙字伯疇廣東南海人年三十三狀元及第正

德癸酉主應天鄉試仕至正德尋卒 陸深文集長

子以諒解元登第以訓丁丑會元 殿試第二少子

以說登進士一家之中父子兄弟並以魁元策名當

世如南海之倫氏前乎未之有也故天下稱之曰三

倫 狀元紀事廣州城南隔河有地名河南相傳云




河南人見面廣東狀元見是歲大旱海珠寺露南岸
人往來對見文叙魁天下



狀元康海

宏治十五年壬戌 廷試魯鐸等二百九十七人擢
康海第一

按康海字德溼號對山陝西武功人年二十八舉進士第一授脩撰尋以事罷家居嘗賈于維揚以混其迹 治世餘聞廷試策問任輔相以脩庶政之意首相劉公健主通書心純二字海對策起句云天下有不易之事人君有不易之心擢第一 義命編魯鐸湖廣景陵人康海陝西武功人宏治壬戌春初京師



有善占天文者禮部諸公詰之曰魁在何處占者曰
文星在楚魁當在湖廣越一月將揭曉復命占之占
者訝曰文星入楚淺入秦深魁當在陝西後鐸中會
元海中狀元人事之上應天象如此

狀元顧鼎臣

宏治十八年乙丑 廷試董玘等三百三人擢顧鼎
臣第一

按顧鼎臣字九和初名全號未齋崑山人舉進士第
一時年三十三卒年六十八 父恂餘五十而生鼎
臣既壯每夜焚香表祈父壽願以已壽益親一夕夢
黃鶴從天飛來近視之即所焚表也內一大院字未
有硃批字數行末云自此以後聞田單火牛通行無
滯蓋乙丑之兆也父年八十及見其子登狀元父嘗



夢鼎臣爲狀元初欲以名其孫潛不果乃命其少子
果然又夢入鄭文康家移其桂歸植之已而鼎臣生
後謚文康與鄭名全蓋七十年餘夢始驗也 又宋
有衛狀元涇名臣也其祠在邑中初鼎臣入邑庠夜
夢一人紫袍象簡稱衛姓携狀元及第篆文圖書貺
之每過其祠虔誠謁拜一日鄉間儒生入城假宿于
祠中似聞神語云明日有狀元顧鼎臣來儒生謂庠
中無此人早起俟何人至忽見諸生顧全入語以此
事顧曰吾正將易此名矣



狀元呂柟

正德三年戊辰

廷試邵銳等三百四十九人擢呂

柟第一

按呂柟字仲木號逕野陝西高陵人未總角有志聖賢之學不爲辭章之習夏居矮屋中常危坐雖炎日蘊隆不出戶限嚴寒則履籍麥草誦讀六經夜以繼日鄉試舉第十會試不利入太學戊辰入對大廷承法天法祖之問以仁孝爲對而要之於學擢第一賜冠服帶履復習若固有明日有竊政中官來賀却

之時年三十四卒年六十四是夕有大星殞華陰
狀元錄事親最孝會試聞喪痛哭草履步至家是時
夢有人報明科狀元又其祖彬卿墓時壙有聲如雷
卜云兆顯六世至是柁生竟以道鳴於世符卜兆云
年十四應試臨潼貧不能就館宿新豐空舍夜夢老
人自驪山下謂曰爾勉學後當魁天下

狀元楊慎

正德六年辛未 廷試鄒守益等三百四十九人擢
 楊慎第一

按楊慎字用脩號升菴四川成都人首相廷和之子
 幼善文年二十四狀元及第後以議禮不合伏闕
 號哭坐戍滇南父卒乞歸終制不許久居滇益綜群
 籍著作愈精為海內宗風流雅致人多稱之今梓傳
 廷和之弟廷儀慎之弟惇恂皆登進士年七十卒
 狀元記事揚州一士夫偶遇樟柳神因叩明春狀



元何處人神云川新都種檉蕭氏頭上名喬木無反
易真心用脩行慎既及第乃知爲蜀地姓名字也



狀元唐臯

正德九年甲戌 廷試霍韜等三百九十六人擢唐臯第一

按唐臯字守之號心菴直隸歙縣人素以元魁自擬累躐場屋人誚曰徽州好個唐臯哥一氣秋闈走十科經魁解元荷包裡爭奈京城剪綰多臯聞之益勵年四十六連捷二魁及第可謂有志者事竟成後脩武宗實錄成進侍講嘗使朝鮮尋卒於官 彭司馬澤知徽郡移學宮而新之夜夢神語云明日相見秀

才乃狀元也至明日有隨衆進獻上梁文者彭覺之
大喜稱狀元才乃臯也爲人善謀斷鄰郡有賊勢猖
獗將入徽界郡守求謀士臯出設策預防卒不爲害
狀元錄家甚貧襟懷脫灑爲文一揮而成一字不
加點若中欲有所改動甯別作一篇語不相犯其才
性如此又臯素有聲譽爲上官禮重郡守推桂長於
青烏之學相其家稱善地所未足者前宜濬水一道
爲御階水必登高第因爲貿其隣之地鑿水如法未
幾果狀元及第世墓在葛塘尤陰宅之佳者 夢徵

錄未第時每夢面前列瓜鏹一對及 廷試後有報
其中探花者曰不止此也既而報爲榜眼亦曰不止
此也及臚傳果第一有詰其故乃以夢告蓋傳臚後
黃蓋瓜鏹送歸第者狀元也故臯自信如此

狀元舒芬

正德十二年丁丑 廷試倫以訓等三百四十九人
擢舒芬第一

按舒芬字國裳號梓溪江西進賢人幼即岐嶷穎異甫成童入郡學嘗作赤雁賦郡守竒其才謂當魁天下家貧清苦不與人群雖書無所不讀寔勵志聖賢之學端居終日夜必計過自訟丁丑 賜狀元及第時年三十四乙酉扶母喪歸卒年四十四 義命編 閩人劉世揚會試入京夢神告之曰今年狀元名國



裳世揚即以國裳易之劉是科登進士而狀元舒芬
其字則國裳也事有定數惟鬼神能知之 芬未第
時至九鯉湖祈夢五夜無夢因題詩云千里尋真意
亦虔五宵無夢竟無緣神仙不識人間事歸去揮毫
作狀元到山下遇一老人問公何夢公告之故且述
其詩老人爲改云千里尋真未是虔五宵無夢豈無
緣神仙不洩人間事歸去揮毫作狀元因忽不見蓋
仙化爲老人以告公也 狀元錄蕭御史鳴鳳精於
星命丁丑 廷試或以八字雜質之曰孰爲狀元蕭
指芬八字曰此是也果然後復以後事實於蕭荅曰
功名壽數始終皆羅一峰舒矍然曰止此乎曰忠孝
狀元足矣後果謫壽亦止此今配享一峰祠

狀元楊維聰



正德十五年庚辰會試取中張治等三百五十人會
毅皇帝狩於南京未及廷試至十六年辛巳嘉
靖登極始舉之時廷對之士三百三十三人擢楊
維聰第一實嘉靖龍飛第一科勵政求賢之始云
按楊維聰字達甫號方城順天固安人年三十登鄉
薦第一狀元記事幼隨父和任長史在塾讀書每
膳具維聰已至母張氏問其何故知之荅曰恒聞耳
邊呼曰狀元可食飯及長在京夢崇文坊迎金字辛

已狀元牌來扣之何往曰送與固安楊秀才覺而自
喜但疑是歲非試期既而已卯庚辰鄉會連捷因
武帝南巡未暇 廷試至 今上登極舉之實辛巳
歲也兄維傑亦治詩以嘉靖己丑登進士第二人

終

漢陽葉氏平安館



